

Mmušo wa Setšhaba kgōrō ya Mošate Bakgoma

Tribal government

0-26

Kgoš... e ka se laele tše e seng mekgwa ya setšhaba go setšhaba. Kgoši ga e a lokela go laelataba ye ngwe ka ntle le poledišano le ba bangwe ba lešika goba bakgomana, le lekgotla pitšo. Kgoši e ka se laele e sa botša batho ka morago ga poledišano le ba leloko la kgōrō ya gagwe. Motho ge a nyaditše kgoši a ka solwa ke banna ka go lefišwa kgomo goba dipudi le ge e le dinku. Kgoši e thušwa go buša ke ba lekgotla, bakgomana le ba leloko la gagwe. Gomme bohle ba leloko le bakgomana le lekgotla ba dira mediro kamoka ya pušo ya setšhaba.

- 2 Lekgotla la baeletši ba kgoši ke bakgomana e lego bao ba tsebago tšohle tšohle tša pušo le mekgwa yohle ya pušo ya kgoši. Banna bohle ba lekgotla ba beilwe goba bathuši mererong yohle ya pušo ya setšhaba gomme maina a bona a tla hwetšwa go (22). Ba lekgotla kamoka ba emela pušo ya setšhaba mo nagaeng kamoka. Gomme yo mongwe le yo mongwe a ka tlošwa lekgotleng ge a sa hlokomele ditaba goba modiro wa gagwe mo lekgotleng. Seo se dirago gore motho a kwigwe lekgotleng ke bohlale bja dipolelo tša gagwe go batho. Mo lekgotleng go kgobakana bao e lego ba lekgotla fela, ge e se mohlang wa melato
- 3 moo banna kamoka bao ba ratago go kwa ditaba ba ka gona ga mmogo le lekgotla. Kgoši ke yona e nago le tokelo ya go bišša pitšo ya lekgotla la mošate. Ba lekgotla ba tsibišwa ka barongwa ge ba nyakega mošate.

Banna ba lekgotla ba swanetše go tsibišwa kamoka ge ge na le merero mošate. Gomme ba swanetše go tsibišwa kamoka ge gona le merero mošate. Gomme ba swanetše go tla kamoka. Ge yo mong a hlokega lekgotleng leo le bidityego ke kgoši ke molato ge a sena bohlatse bja go hlokega gagwe. Pitšo ga e a swanelwa go swarwa kgoši e se gona ge e se ka taelo ya

4 Kgoši ga e a swanela go buša ka ntle le lekgotla la mošate. Lekgotla le phuthegela mošate mo le bonwago gomme se se rerwago ga se a swanela go tsebjwa ke batho. Go bolela ba bagolo pele go hlagiša seo se swanetšeto go rerwa ke lekgotla. Ge lekgotla le kgoši ba sa kwane go fenywa lekgotla go morero woo kgoši e sa o kwišiši ga botse. Gomme ga ba swanela go iša phapang ya bona go pitšo ya setšhaba. Le modiro wa go sekiša ditaba e sale wa lekgotla la mošate. Batho bohle ba lekgotla la mošate ga ba putswe medirong ya bona ya lekgotla. Go hola setšhaba goba motho wa lekgotla. Mediro ye mengwe ye dirwago ke ba lekgotla ke go hlokomela

5 gore mešomo kamoka ya batho go kgoši e šongwa katshwanelo. Gomme ba phetha ka kgoši se se ahlotšwego ke lekgotla. Ba lekgotla ga ba iše batho kgošing le go ba tsenyetša ditaba. Ba abela bao e salego ba tsenedi mošemo mo nageng.

Bakgomana ba setšhaba ke Lefakgomo gomme ke wa kgoro ya ga Hlame. O dutši kgaufsi le thaba ya Namakgale. Gomme o beilwe ke kgoši ka gobane ke modudi wa felo fao go tloga kgale gomme bohle bao ba dulago mothabeng ba mo hweditše gona kamoka. Gomme gape ke wa leloko la kgoši. Bondo Malesa ke yo mongwe

6 wa bakgomana o beilwe bo kgomana ke kgoši, gomme o dula kgaufsi le noka ya Sekwe. Ke ena wa mathomo go dula fao ke gona o filwe goba molebeledi wa bao ba mohweditšego fao kamoka. Gomme gape o tšeri setulo sa papagwe sa thabeng ya sealeng.

Nkutleni ke mokgomana wa lešika la Mashagaan gomme ke ena wa bona wa mathomo go dula mo nageng ye. Gomme o beilwe ke kgoši. O dutši kgaufsi le noka ya Sekwe.

Bakgomana ga ba lekane ka bogolo ka ge ba fetana ka mašika a bona. Mokgomana o sekiša melato le go iša melato ye megolo go kgoši gape le gona ge iša ditaello tša kgoši go bao ba leng ka tlase ga pušo ya gagwe.

7 Mokgomana a ka fetša ditaba tše nyenyana ka bo ena. Melato ya polao ya batho le melato ya hlalano ya batho le ye mengwe ya bohodu mokgomana o swanetše go iša go kgoši.

Gomme o swanetše go bega tšohle ka noši go kgoši.

Mokgomana a ka tlošwa bokgomaneng bja gagwe. Ge mokgomana a sa kwe melao ya kgoši le lekgotla ke gona a ka rolwa bokgomana bja gagwe.

8 Mokgomana o fiwa tša melato yeo a e sekago gomme ga e le makgetho le dibego kamoka di ya mošate. Mokgomana ga e direlwe bothokgō. Gomme ga go kwano e e dirwago bakeng sa phodišo ya dikgomo le papatšong ya tšohle tše bapatšwago, le tumelelo ya baeti, le ge e le nošong ya diruiwa. Gomme kwano ya baeti e dirwa ke lapa leo le etetšwego le baeti ba lona fela. Setšhaba se bobjwa ke setšhabana ka dibego tše bjalo ka manakaa a ditlou. Matlalo a dikgadinama le dikgadi-dibatana. Gomme le ka dikgomo se a loba. Gomme le ka dikgarebe se a loba.gore mohlang wa tlalele se thušwe ke seo se segolo. Motho wa ditšhaba a ka seke a ba setho sa setšhaba ka botlalo ge e se ka marago ga mengwaga ye metelele a dutši ~~ga~~ mo setšhabeng.

9 Gomme ge e le monna o tla bonwa goba o direla naga bjang. Ke gore gotla hlokomelwa mekgwa yagagwe go ditaelo tšohle tša kgoši. Gomme ge go hwetšwa goba o swara ditaelo tšohle gona o tla ba setho se seng ka botlalo. Gomme ga e le mosadi a ka tsena setšhabeng ka go nyalwa ke yo mong wa setšhaba. Gomme ga e le ngwana gona ga go kgolofelo go dirwa setho sa setšhaba ge e se ge a godile mme a dutši mo nageng ya setšhaba ka go kwa ditaelo tšohle tša setšhaba.

Gomme sehlopha kamoka sa batho se swarwa ka go fiwa yo mong wa sona goba mokgomana wa sona gore tšohle tša mošate di sepele ka yena mo go sehlophana seo.

10 Gomme ba tla setšhwa go swana le ba setšhaba. Gomme le gona go nyalanwa go tla ba gona gare ga sehlopha le setšhaba. Motho ge e le setho sa setšhaba o na le ditokelo go ntšha lentšu mererong kamoka ya setšhaba. Gomme o tla dula le go lema mogong le mogong a go ratago mo nageng. Ditokelo le sitshwanelo tšeo tša gagwe ga a na go di amogiwa ge e se ka baka la kotsi yeo e ka mohlalagelang.

Kotsi ya go amogiwa motho ditokelo goba ditshwanelo tša gagwe mo setšhabeng e kaba go bola ea motho yo mong goba go hwetšwa e le moloi. Le go hlola koma ya kgoši.

11 Maie morwa yo mong wa Lepato kgoši e le mokgomana goba sejelo sa kgoši Makhušane mothabeng ya kgopolwe, o be a rakwa ge mosadi wa gagwe Kutupu ge a ile a seke a tšhaba ge basadi ba bangwe ba mošate ba tšhaba Nkokoi goba Nonyana ge e tla ka gae go tsena ntlong ya mokgomana ka molao wa setšhaba. Gomme a dula fao ntlong go fihlela ge Nonyana le banna ba tsena mo o tlong ya maie mosadi a lego gona. Ke gona bakgomana kamoka ba beela mokgomana yo mogolo Maie gore ba reng ka mosadi Kutupu ka ge e le molao gore a bolawe. Ke gona Mokgomana Maie a gana polao ya mosadi ka ge e le mosadi a e noši. Gomme bakgomana ba bea molato Maie gore hlolo ya koma e rwalwe ke bophelo bja gagwe. Gomme Maie a dumela go bolawa eha gomme go šale mosadi. Ka ge Maie e le mokgalabje yo mogolo wa mošate kgoši Makhušane a gana polao ya mokgomana, mme Maie a laelwa go tloga kgaufsi le mošate kgopolwe gore sehlola se se sa bonwa mošate. Maie a tloga gomme a ya a dula thabeng ya Ragorwane. Gomme a hwela gona. Gomme gothwe o hvile ka gona ge a ganne polao ya mosadi, ka ge a hlotšhi koma.

Ka Motlalekgomo

End. S.645.

J.P.M. Malatši.